

ZUKO d.o.o. društvo za reviziju i usluge iz Sarajeva, ul. Džemala Bijedića 185 (u daljem tekstu **Izvršilac**) kojeg zastupa prokurista Nermin Zuko, s jedne strane i

J.U. Psihijatrijska Bolnica Kantona Sarajevo, IB 4200124040004, Nahorevska 248 (u daljem tekstu **Naručilac**) koju zastupa direktor Dr. Muhamed Ahmić s druge strane, sklopili su

U G O V O R

o reviziji finansijskih izvještaja za J.U. Psihijatrijska Bolnica Kantona Sarajevo za 2018. godinu

I Obaveze Izvršioca

Član 1.

Izvršilac se obavezuje obaviti reviziju finansijskih izvještaja sa stanjem na dan 31.12.2018. godine **Naručioca**, na način kako je to propisano Zakonom o reviziji, Međunarodnim revizijskim standardima i Kodeksom profesionalne etike revizora.

Nakon obavljenje revizije, **Izvršilac** se obavezuje u predviđenom roku predati **Naručiocu** Izvještaj za 2018. godinu o obavljenoj reviziji za J.U. Psihijatrijska Bolnica Kantona Sarajevo, potpisani od strane ovlaštenog revizora u tri primjerka.

Poslovi revizije obavit će se na način da ne ometaju redovno poslovanje **Naručioca**.

Odgovornost revizora

Mi ćemo obaviti reviziju u skladu s Međunarodnim revizijskim standardima (MRevS-ovima). Ti standardi zahtijevaju da postupimo u skladu s etičkim zahtjevima te planiramo i obavimo reviziju kako bismo stekli razumno uvjerenje da u finansijskim izvještajima nema značajnih pogrešnih prikazivanja. Revizija uključuje obavljanje postupaka radi dobijanja revizijskih dokaza o iznosima i objavama u finansijskim izvještajima. Izbor odabralih postupaka ovisi o revizorovoj prosudbi, kao i o procjeni rizika značajnog pogrešnog prikazivanja u finansijskim izvještajima, uslijed prevare ili pogreške. Revizija također uključuje ocjenjivanje prikladnosti korištenih računovodstvenim politikama i razumnosti računovodstvenih procjena koje je stvorio menadžment, kao i ocjenjivanje cjelokupne prezentacije finansijskog izvještaja.

Zbog inherentnih ograničenja revizije, zajedno s inherentnim ograničenjima internih kontrola, postoji neizbjegljivi rizik da neka značajna pogrešna prikazivanja mogu biti neotkrivena, čak iako je revizija ispravno planirana i obavljena u skladu s MRevS-ovima. U stvaranju tih procjena rizika, mi razmatramo interne kontrole relevantne za subjektovo sastavljanje finansijskih izvještaja kako bismo oblikovali revizijske postupke koji su primjereni u datim okolnostima, ali ne i za svrhu izražavanja mišljenja o efikasnosti internih kontrola subjekta. Međutim, mi ćemo vam saopći u pisanim oblicima bilo koji važan nedostatak u internim kontrolama relevantan za reviziju finansijskih izvještaja koji smo otkrili tokom revizije.

II Obaveze Naručioca

Član 2.

Naručilac je dužan staviti **Izvršiocu** na raspolaganje potrebne izvještaje i dokumente te pružiti druge informacije prijeko potrebne za obavljanje revizije za **Naručioca**, a naročito:

- ✓ dati na raspolaganje finansijske izvještaje za 2018. godinu, a po potrebi i iz prethodnih perioda;
- ✓ popuniti sve pomoćne tablice potrebne za obavljanje revizije;
- ✓ dati na uvid potrebnu računovodstvenu i drugu dokumentaciju;
- ✓ osigurati odgovarajući radni prostor za rad revizora;
- ✓ dati potrebna obrazloženja vezana uz problematiku i pitanja koja se odnose na postupak revizije;
- ✓ odrediti stručnu i ovlaštenu osobu za operativnu saradnju sa predstavnicima **Izvršioca**;
- ✓ bez odlaganja informisati o relevantnim događajima poslije datuma Bilansa, a koji mogu uticati na realnost finansijskih izvještaja i buduće poslovanje.

Odgovornost menadžmenta

Našu reviziju obavit ćemo na osnovu toga da (menadžment i, gdje je odgovarajuće, oni koji su zaduženi za upravljanje) potvrde i shvate da oni imaju odgovornost:

- a) za sastavljanje i fer prezentaciju finansijskih izvještaja u skladu s Međunarodnim standardima finansijskog izvještavanja;
- b) za takve interne kontrole kakve (menadžment) odredi da su nužne za omogućavanje sastavljanja finansijskih izvještaja koji su bez značajnih pogrešnih prikazivanja uslijed prevare ili pogreške; i
- c) osigurati nam:
 - i. pristup svim informacijama za koje (menadžment) spozna da su relevantne za sastavljanje finansijskih izvještaja, kao što su evidencije, dokumentacija i ostala pitanja;
 - ii. dodatne informacije koje mi možemo zahtijevati od (menadžmenta) za svrhu revizije; i
 - iii. neograničeni pristup osobama unutar subjekta od kojih smo odredili da je nužno pribaviti revizijske dokaze

Kao dio našeg postupka revizije, mi ćemo zahtijevati od (menadžmenta i, gdje je odgovarajuće, onih koji su zaduženi za upravljanje), pisane potvrde u vezi s prezentacijama koje su nam date u vezi s revizijom.

III Ostala pitanja u vezi s revizijom

Član 3.

Revizor će Upravi Društva i vlasniku prezentovati informacije o bilo kakvim nezakonitim radnjama otkrivenim u toku revizije.

Član 4.

Izvještaj Revizora se može objaviti u javnim glasilima, u skladu sa zakonskim odredbama, uz prethodnu saglasnost revizora.

IV Cijena i način plaćanja

Član 5.

Naručilac se obavezuje na ime obavljene usluge platiti naknadu u ukupnom iznosu od KM 5.850,00 (slovima: pet hiljada, osam stotina i pedeset konvertibilnih maraka).

PDV je uračunat u cijenu. Cijena je minimalna i u skladu sa Tarifom revizorskih usluga (Tarifa objavljena 08.07.2015. godine u Službenim novinama FBiH broj 52).

Dinamika plaćanja je sljedeća:

KM 5.850,00 - 60 dana od dana predaje nacrta revizorskog Izvještaja.

Plaćanje će biti izvršeno na račun **Izvršioca** broj: **1601070000014862** Vakufska banka d.d. Sarajevo.

V Rok obavljanja posla

Član 6.

Izvršilac se obavezuje da reviziju finansijskih izvještaja za 2018. godinu obavi u skladu sa terminom navedenim u Ponudi.

VI Zaključne odredbe

Član 7.

Ugovor stupa na snagu danom potpisivanja.

Član 8.

Ovaj Ugovor je sastavljen u četiri istovjetna primjera, od kojih su dva za potrebe **Izvršioca**, a dva primjera za potrebe **Naručioca**.

Ukoliko ugovorne strane putem ovlaštenih potpisnika potpišu ovaj Ugovor, smatrat će se da prihvaćaju prava i obaveze utvrđene ovim Ugovorom.

Član 9.

Ugovorne strane će eventualne sporove iz ovog Ugovora nastojati rješavati sporazumno, a u suprotnom je nadležan Sud u Sarajevu.

Za sve što nije regulisano ovim Ugovorom, primjenjuju se odgovarajuće odredbe zakonodavstva Bosne i Hercegovine koje regulišu predmet ovog Ugovora.

ZUKO d.o.o. Sarajevo

Nermin Zuko



Broj: 32-02-2019

Datum: 11.02.2019

J.U. Psihijatrijska Bolnica Kantona Sarajevo

Dr. Muhamed Ahmić

Broj: 047-430119

Datum: 08.02.2019